

Оммавий ахборот воситалари вакилларининг Ҳайъат йиғилишларида иштирок этиши

Ҳайъат йиғилишларида оммавий ахборот воситалари вакилларининг иштирок этиши мумкинлиги ва зарурлигини Солиқ қўмитаси раиси ижро этувчининг таклифи бўйича белгилайди.

Оммавий ахборот воситалари вакилларини таклиф этиш бўйича ташкилий ишлар ва улар учун ахборот материалларини тайёрлаш Солиқ қўмитасининг Жамоатчилик билан алоқалар бошқармаси томонидан амалга оширилади.

Оммавий ахборот воситалари учун ахборот материаллари Ҳайъат йиғилишига тайёрланган материалларга зид бўлмаслиги керак. Мазкур ҳужжатларга Ижро этувчи, Ҳайъатнинг масъул котиби виза қўяди ва Солиқ қўмитаси раиси билан келишилади.

Оммавий ахборот воситалари вакилларини рўйхатдан ўтказишни Жамоатчилик билан алоқалар ва ҳуқуқий ахборот бўлими Солиқ қўмитаси раҳбариятини хабардор қилган ҳолда Ташкилий-ишлар ва назорат бошқармаси билан ҳамкорликда амалга оширади.

Оммавий ахборот воситалари вакилларига иш материаллари ва Ҳайъат якуний материалларининг лойиҳалари берилмайди.

Солиқ қўмитаси Ҳайъати ўз фаолиятида амалдаги қонунларга мувофиқ қонунийлик, Ўзбекистон Республикаси Президентига ва бошқа юқори турувчи давлат органларига бўйсунуш ва ҳисобдорлик, бошқаришни марказлаштириш тамойилларига амал қилади.